

## AZLINDA SHAZNEEM BINTI MD SHUAIB TAHIRAH BINTI ABDULLAH

Bengkel Pengurusan Penyeliaan Pelajar Pascasiswazah telah diadakan pada 29 September 2022 bertempat di Dewan Keusahawanan UMK, Kampus Kota dan dihadiri oleh warga pensyarah dari Fakulti Keusahawanan dan Perniagaan UMK. Bengkel ini bertujuan membantu para penyelia untuk menyelia pelajar khususnya pelajar pascasiswazah mod penyelidikan dengan teknik-teknik yang betul dan terkini. Bengkel yang diadakan dari jam 8.30 pagi sehingga 5.30 petang itu dimulakan dengan sesi perkongsian dari penceramah jemputan Prof Dr. Dr. Abdul Halim Bin Abdul Majid, School of Business Management, Universiti Utara Malaysia, Sintok, Kedah. Beliau telah berkongsi pengalaman dalam membimbing dan menyelia pelajar pascasiswazah serta menerangkan kepentingan penyeliaan serta tanggungjawab seorang penyelia. Bengkel diteruskan lagi dengan sesi perbincangan mengenai keperluan penyeliaan dan penerbitan serta isu dan cabaran dalam penyeliaan bersama Prof Dr Mohd Rosli bin Mohamad, Dekan dari Pusat Pengajian Siswazah, UMK. Melalui bengkel seperti ini, secara amnya warga pensyarah dapat mempelajari dan memperbaiki teknik dalam penyeliaan dan input baru kepada penyelia muda khususnya dalam menyelia pelajar dengan cara yang betul dan efisien dalam melahirkan penyelia dan pelajar yang berkualiti serta cemerlang dalam bidang penyelidikan.

